

金鎖流珠引卷之二十四

辭四

忠憲其金鑿玉書卷之二十四

中華仙人李淳風注

伏虎使龍禁蛇法此樊劉二真所重

人間有毒虎豹天上有毒龍等用此

禁之

辭四

一

老君曰使龍者夜於淨室無女人之處即得

若有女人近左右呼之不來也之中勿入女

子室女莫入男房之中三日即可躡地紀飛

天綱各三遍也散馬步九跡捨目龍虎目也

左手把符招九下立到一云更配衣轉天關

只得來也龍虎總得各自有符在前者昔後

漢滅魏初有樊劉善君使之按樊夫人正傳

云樊夫人者本漢高祖時有功臣樊噲十二

代女孫也外氏王郇王喬十七代孫繼代有

悉禁之術夫人自小失母以外祖郇收養少

小好讀書外祖教之年一十三即休學常自

讀六甲及禮易忽於王氏家上十三代祖秘

法文書函中見是老君六甲符書七卷七星

步綱儀十卷及此引書二十餘卷所以日日

盜開看讀於宅外林木之間去宅百步或五

十步往往如此三年忽見林木之際有一女

人甚年少問曰汝好道耶對曰某年雖小甚

好道伏看此書教人長生不死之術後當得

仙此世界罕聞有此之語世人不知此道書

世必絕無所以小年甚好愛其說讀三五遍

方始定記得文字女仙曰我是仙人阿王小

教汝讀書汝但今後閑時即潛來此我與

汝上通并教汝行用之訣如此一依仙人所

教日月中時輒獨潛往如此二年外祖母異

之潛逐往見於林下讀書有女人共在甚喜

之不告於大小聽之三年學讀道成使鬼神

如奴僕如手順心通靈追攝虎豹百無不得

魏文帝時天大旱七十餘日亦日無雲帝百

方求雨無應郡縣舉王郇外女孫學道術成

追攝虎豹驅使鬼神必能求請帝命內妃趙

丹齋書錦帛令以求請乞兩夫人時在室多

羞不欲為之妃因言喻某是王家生由是外

表眷情何以諱借當今天早如此救人皆得

功德天下人物得安何以秘惜夫人即作書

與龍王令人送之深潭水中應時下雨後年

一十五方事劉家隨夫為官天下經過後夫

劉綱知以禮求請將此書十卷教之授以三

元六甲七星之圖後五十餘年夫妻俱得仙

會積東山白日裏坐雲駕龍之車上而去夫

上皂英樹上隨妻俱去玄即拜為仙官中位

下真也

考召法師及志道之人等家每年正

月一日早朝人未起前自發牒符保

護身家令平安無疾疫法

太上老君金口勅女青詔書保護身家正律

曰天是吾志心弟子及與吾行考名科法平

直救濟人物疾病災厄災厄者有十種之災

一天行瘟疫災與救得有功天不責二時行但

禁決無妨三官中非橫事四火五水六兵圖

七被鬼注祟八窮困九聾盲十內鬼等也之

者可及吾考召弟子即每年正月一日早朝

書六甲中六十日送惡鬼名并女青律總在

鬼律中於牒頭三通牒帖社廟陰司宅上三

通一周年身家永無災瘴疾厄口舌之類自

消更須躡地紀飛天網各三遍散為禹步九
跡呪曰

攝毒攝毒攝毒攝毒攝病攝病攝邪攝邪攝
鬼攝鬼攝蛇攝蛇攝口攝口攝攝舌舌攝攝
蛇蛇攝攝鼠鼠攝攝耗耗攝攝散散攝攝水

水攝攝金金攝攝火火攝攝土土攝攝木木
攝攝鈺鈺侯侯人已上一百二十攝攝急急

急攝消散急急如律令此呪聲高讀之時把
文符牒於左手右手捻都監訣一一攝攝須
手招一下甚吉上真高仙皆每年為之不絕

老君曰學道有門求真有路得門曰通 通神

也夫人學道得門皆威力能使鬼神天地應
通謂之威感動天地未見人物號曰神通得

路曰仙仙真人位修真人行得此書三十餘
卷洞曉金籙後聖號金鎖流珠經通三元出

上清包正一謂之道路以通必能乘龍駕空
名修道之路以通後能乘龍躡空逍遙紫府
位近仙公但行之九年永一家人口無病行
之二十年舉家得道力此法頗入拔宅法按
此法欲作法皆在舊年十二月二十六七日

書此牒帖符詔書鬼律法師押署訖即取正
月一日早朝五更三點之中勅讀呪令人不
用讀牒上言語唯聞呪

為一切官人保護身家口發牒住處
社廟及宅保一二年合平安法亦有

舊章法在新章儀中也

老君告徐法師曰徐來勅是保護度災厄法
師今是張替號云三天正一法師今又是小

張繼大張為天師夫教弟子欲為國師為國
家保護內官及安遠鎮州府百姓者先奏天

書六通 後聖改號章文為章書也上帝然給

符牒五嶽四瀆都邑社廟有大檄符書三十
六卷二十四卷鎮內官殿五卷五行山 後聖

號為五嶽山即五是五行木火土水金之數
是也餘七卷六卷投名山洞穴一卷投水府

已上皆是儀讀誦之低小聲不得音樂之響

奏聞此皆入陽法人間之科誠賢識賢識呼
齊為社撰習為功音響之文非仙真上聖所
造聲明告示 自別致人深識不為此法聚社
古來呼齊為社會今又改為齋會會議論經

此是初學之人未得其門乃為之如此之法
卿莫令弟子為之非正法上章章本自別書
出有五章文 後聖君授符牒一十二道以鎮

國保護消災度厄 各有文儀在下篇中一一
檢取行用 老君曰為邦國主 今之郡縣主是

官長 官太守長今也不用檄符出牒三道及

符三十六道一十二符鎮十二神上十二符

門戶上十二符宅中正口及家長帶之百姓
隨意為之勿書三十六符也章三通 官人三

通百姓合得二通一通勅符作法先躡地紀
後飛天網各三遍散九跡為禹步配衣然後

九指有災禍之城屋宅一切災害氣祟隨手
而消然後各依用勅文符畢將符牒行依法

安處永一二年無諸災害
為百姓除禍鎮災殃保護身家同前

用法

老君律言百姓符用二十四道章二通用行
隨法師意行法其訣在左手第四指第一節
急捻之

考召法師及弟子法師下考召典書

史等人 將家口或自身行往他州界
先發帖牒太廟及城隍神官此神晉

朝有之 扶迎拜送保護往還法

老君役使杜廟神靈記曰考召使 本法師字
行李及有家口行往皆須向三五日前發心

帖帖九州社長伍子胥是也 如非正考召法
師即發牒及著上字是下書史官吏之屬若

是九州考召法師即行正帖不用牒牒頭無
符帖頭有之 老君告命一符連帖前如法錄

官 官仙官受錄高即官高受錄小即官小時

人今呼道士為仙官位小牒云上件相言語

一依公行文牒相似唯改一法字 陰牒依法

事須帖社廟云云 公中帖牒即言依檢事須

云云道家行帖即言依法事須帖牒社廟神
及某神官扶迎拜送保護以界付界行李水

陸平安不得妄有他故者云云 訣法同前訣
在左手第一節是也

誅符破廟法 誅者責問符吏符牒違
違時不依急切不肯允違有去無報
謂之誅符破廟亦責問社廟神官符

牒章有法無報故合決杖停解別有
差替謂之破廟也

羅天師傳太上老君金口所說科律一符不
允責在直符再書書今之章也不達決解直

符可以躡地紀三遍誦十八篇呪訖散為禹

步九跡三步配衣轉天關指某日某地 地者

假如今日是甲子即指子地言某月某日是
甲子王文卿當直日此日是何直符傳符牒

為某事其事不行允合重凝停解差替以周

而復始後聖君科可責問其罪事須依科勘
問科決不多停解差替如此即常安於吏兵

杜廟卿等事須依金科玉律行下訖報即勅

云云如前注中之符勅行用速於水火也 破

廟亦可躡地紀三遍誦十八篇呪訖散三步
九跡配衣轉天關指某廟某州縣社不肯傳

下符牒天命令人破決脊停解差替 言若替
即存其廟古人但言傳無替即是破 訖報後

聖君告張天師曰夫誅符破廟皆上古志真
人請差天神大將軍大官下監決解傳破也
吾今但依元差三將軍天與身應 天上一某

元將軍身中應出同行之是也但曰上中下
元者取行用也 即不得用重章奏請天官下

監誅符破廟此二事行用並有訣訣在左手

第三指第三節上右邊捻之若行此法三度

五度訖但捻訣符吏自有推排有過之者請

罷常訣以赦之後符吏轉加敬畏舉心便行

起念便至勿妄忿忿慎之真人也

三會日醮祭言功還賞吏兵法 杜廟

不遵賞酒仍位壇外坐

老君曰夫受法之人皆須准科儀行醮祭則

吉妄行則凶上志之人皆明此道其科言上

元月中上會之日醮天官君上元唐將軍上

元上部唐將軍姓唐名短中元上部又是姓

唐名宏為上元座之吏兵領中元下元上部
諸將軍降臨醮席三上九獻酒為三元主將

吏兵受醮之首領三元將軍吏兵功曹司吏
諸錄中兵將玉童玉女等降赴就某席坐受

醮此日是正月七日也上以召會九天之官
中以九地之官下以人身中法錄將軍吏兵

及水官將軍吏兵也後聖君告天師曰夫三

會之日天地水三官中大神君將軍吏兵等俱會此一日為社會求醮此日醮除罪獲善福祐人物有養奴婢牛馬之類也禍滅災消身家喜慶何也為此日天地水三官三神俱會於此日也上帝恩放此日不朝集所以獲福又夫醮皆走入正日之夜人定後一更時或二更時醮得大福祐此時衆神俱會之時若過三更至五更切不堪醮何也為神官皆屬陰夜中似如人見日日早朝會家閑客即得來要客皆有公事直至衙退方始得來其神官仙官將軍吏兵等入三更向後至五更皆欲上朝天曹以心攻前排整車御忙心亂思不來受禮來亦不久急急不多周而所以不獲福却招惡也如志人學道先須知此為妙慎勿妄示非人非人妄說異端即招天考又科言中元月中中會日地官君上元中

五十將軍仙靈將吏但是中元人身中受符錄為仙座以主中元之氣也皆是李葛將軍為主部領天官水官等三元俱是官將吏兵會也先領上元下元君官將軍兵士功曹司更六甲君官將軍兵吏五童玉女直官從官符吏等先坐訖始中元李葛二將軍二人及兵士方坐師主心分主領指搗座位定後方始啓請分明一一飲食在師主指搗安置上酒處分般數取足令人更益密漿之屬保具見李等師令添茶每座三四盞保具令丁醮祭傳法伏依本師不敢違闕請後人相傳繼代莫絕本師之教又科言下元月中下會日水官君上元下部徐將軍及中元下部周將軍等為主醮之事後聖君告張天師曰上會日正月七日天眞下觀于此日設醮天官君兵將及地水官等盡心須以虔懇勿穢濁受福無量中會地眞來監醮地官君兵將吏及天官水官君等下會日水眞來監醮水官君兵將吏及天地官君等中會七月七日下午會十月五日此三日並是三會之日也先領上

元及中元君官將軍兵士功曹司吏等先坐訖始下元徐周二將軍二人及兵士方坐師主心分主領指搗座位主是受三元錄人自醮及入諸弟子等共醮亦得故云師主後聖君告天師曰卿是三元法錄吏兵師主故上古為之師主為有弟子及同學人兵設醮即須各依辭云云如若自辭即不用辭若讀詞畢即讀言功狀一遍其狀言功遷賞吏兵如實有功即言如無功即不用言功後聖君言功章本云有功言之將吏遷舉無功言之保護身家平安亦未是功但軍狀言之即得其吏兵不在遷位舉功之限但言賞吏兵即得也狀言有功舉遷法文某州縣鄉里或任某州官道士言某觀山道士係天師古今太玄三元法錄云云陽平治左平丞總領門下大都功并左廉察版署祭酒上清玄都古號太清無極太上大道無極法師是大洞三景弟子中嶽黃帝真人上古三元法錄錄總言也臣某年若干歲去今正月七日已後隨時若是正月上會日即云從年十月五日已後云

云至七月七日已前行符牒總救得若干人病及有災厄貧乏具件有并若干人病行符藥牒帖救得差愈若干人貧乏病無錢財買藥救治臣給錢買藥或與藥一一具言之得愈者或若干人被災害官私口舌得臣符救度得平出無重科決者具件總有若干人臣使靈官將軍吏兵功曹玉女玉童有方救拔得度免見病死刑罰此兵將有功合遷一階人數悉皆得差允者并於臣家保護臣身家平健有功將軍仙靈官功曹吏兵准科法遷階言功將軍言功二百仙靈官言功一百五十功曹玉童玉女言功一百吏兵等言功亦一百直符言功七十以賞勞効於人助國之功者遷昇真位謹狀此是古儀注今但依此體但任別改其中文字體請不移但依古也

日月具名狀其醮祭自別有文儀辭四

金鎖流珠引卷之二十四



金鎖流珠引卷之二十五

辭五

靈官將軍吏兵功曹玉童玉女玉童有方救拔得度免見病死刑罰此兵將有功合遷一階人數悉皆得差允者并於臣家保護臣身家平健有功將軍仙靈官功曹吏兵准科法遷階言功將軍言功二百仙靈官言功一百五十功曹玉童玉女言功一百吏兵等言功亦一百直符言功七十以賞勞効於人助國之功者遷昇真位謹狀此是古儀注今但依此體但任別改其中文字體請不移但依古也

表奏請補考召法中靈仙職大遷舉賞三元六甲七星九天二十八宿三辭五

十五神官五嶽九州社廟法

老君曰夫天地中萬神皆有主領官屬大道儀律禁制分明賞罰俱行人神俱有功者賞

有過者責名曰考召所主所部條約科令也

科曰若有考召法師奏一弟子塔補考召法

中官吏者將軍言功五百仙靈官言功四百

功曹六甲將吏玉童玉女直符官吏各言功

三百諸錄吏兵各言功二百左社右稷大廟

小廟大社小社各言功一百有具在考召儀

中選奏章中具此故不載於卷中遷補自有

文儀也

州國郡府州地多水火疾病災害不安作符章鎮厭法

太上老君告羅法師曰世有郡國之地多災害人物不安卿可與安之但以四孟日四孟

日寅申巳亥等是也驕地紀飛天綱各三遍

散大禹步十五跡左手捻都監訣右手把符

符牒向前書了即作此法勅符牒令使跪交

將去按後聖君勅天師步網時切不欲見步

網了與使人向前跪受之符牒前往後與作

書書表上集魁厭制章二道得正并二十八

道符往符目在鎮宅儀中上古一十二符近

來天師二十四符風添二符家主州縣主帶

鎮身家母亦一符即搜符二十八道往一十

二符鎮安宅十二神上十二符帖門戶上及

後門竈上井上貼四符家主家母等帶之其

災害疾病三年之內即永無也更須一度鎮

之即六年無災災不起更一度准前鎮之即

永百年無災害起右儀云高真上聖云良宅

三鎮永即無災此法先在太玄金鎖流珠正

一經中趙苻書出引中用行救濟人物同

國郡府州破山魃鬼及妖精鬼作祟

亂者遙與收斷禁止法

老君教太極真人徐法師曰卿若為國主府

郡之主作此法禁斷當以前書符牒及帖託